

EAST ASIAN LIBRARY  
RM 8049 ROBARTS LIBRARY  
UNIVERSITY OF TORONTO  
TORONTO, CANADA M5S 1A5

AE

4

L457

1788

v. 4







事物異名錄卷十

慈谿 厲靜菴先生荃 原鞿

仁和 關晉軒先生槐 增纂

禮制部

祭天 以下吉禮

大旅 周禮掌次王大旅上帝註祭於圜邱國有故而祭亦曰旅

燔柴 爾雅祭天曰燔柴疏祭天之禮積柴以實牲體玉帛而燔之使烟氣之臭上達於天因名祭天曰燔柴

升中 禮記升中於天註中成也燔柴祭天告以諸侯



之成也

祭地

瘞埋 爾雅祭地曰瘞埋疏祭神州地祇於北郊瘞埋牲因名祭地曰瘞埋

祭山

旅平 書傳祭山曰旅平

皮懸 爾雅祭山曰皮懸疏皮謂埋藏之大宗伯鄭註云祭山林曰埋是也懸謂懸其牲幣於山林中因名祭山曰皮懸郭云或廢或懸置之於山是也

祭川

浮沉 爾雅祭川曰浮沉註投祭水中或浮或沉也



祭日

王宮

禮記王宮祭日也

祭月

夜明

禮記夜明祭月也

祭星

幽宗

禮記幽宗祭星也

布

爾雅祭星曰布疏布散於地似星布列也

祭水旱

雩宗

祭禮記雩宗祭水旱也又說文禱雨爲雩禱

晴爲禱

升

公羊傳疏患其雨多祭使上升故祭雨曰升



祭風

磔 爾雅祭風曰磔疏磔謂披磔牲體象風之散物因名云

祭先師

釋奠 山堂肆考學宮時祭乃用釋奠奠置也言置牲幣之奠於先聖先師之廟也

時祭

祠 祠 嘗 烝 爾雅春祭曰祠夏祭曰禘秋祭曰嘗冬祭曰烝疏此四時之祭名也祠之言食禘新菜可灼嘗嘗新穀烝進品物也皆周禮也

釋祭



彤 復胙 爾雅釋又祭也周曰釋商曰彤夏曰復胙  
註祭之明日尋釋復祭也

道祭

祖 說文道上之祭爲祖又鼻名

輶 正字通輶將行祭道神也周禮犯輶註山行曰輶  
犯者封土爲山象以菩芻棘栢爲神主旣祭以車轢  
之而去喻無險難也

野祭

破散 五代會要奉先之禮無寒食野祭之儀近代莊  
宗每年寒食出祭謂之破散

獵祭



羶臠 漢書音義羶以立秋日祭獸王者亦以此日獵獸祭宗廟故曰羶臠一作羶劉又冀州北方八月作飲食爲臠其俗曰臠臘

雜祭

祓禴 說文除惡之祭爲祓會福之祭爲禴

除日送神

埋祟 夢梁錄除夕禁中呈大驅儺儀自禁中動鼓吹驅出東華門外謂之埋祟

粃盆 月令通考除日送舊神焚松柴謂之粃盆

鼎

鼯鼯 鼯 鼯 爾雅鼎絕大謂之鼯鼯上謂之



鼎附耳外謂之鈇欵足者謂之鬲疏此別鼎名也鼎  
最大者名鼎體圓斂上而小口者名鼎附耳在鼎表  
者名鈇欵濶也謂鼎足相去踈濶者名鬲  
從彝 稗史類編鼎蓋古之祭物名曰從彝

簋

鬻彝 博古圖太師望簋銘曰望作鬻彝謂之鬻鼎者鬻  
訓煮熟食簋盛黍稷惟熟然後可食也

俎

大房 詩籩豆大房箋大房玉飾俎也

卣

中尊 爾雅卣中尊也



崩亡 以下凶禮

殂落 書帝乃殂落註死也魂氣歸于天故曰殂體魄降于地故曰落 以下天子

晏駕 漢書宮車晏駕註天子當晨起方崩而稱晏駕者臣子之心猶謂宮車晚出也

大行 風俗通皇帝新崩未有定名故總其名曰大行皇帝

上仙 澠水燕談錄真宗上仙莊獻攀慕號切

賓天 上賓 齊東野語度宗賓天又東坡志林何述言吾在儋耳一日忽失所在獨道服在耳蓋上賓也按上賓猶賓天也亦可通稱



升遐 癸辛雜識度宗升遐賈相持喪起復辭免虛文

汨汨殆無虛日

厭代 表異錄通鑑憲宗厭代之夕厭代猶云上昇也  
本用莊子厭世語以文皇諱故云代

登霞 楚辭載營魄而登霞兮註霞與遐同猶云遠適

爾

捐館 史記奉陽君捐館舍按顯仕者死曰捐館仕人

不祿 禮記士死曰不祿士人

反素 後漢書夫亡者反素復始歸於無端以下泛稱

大疇 字典俗語謂死曰大疇

捐瘠 字典病死曰捐瘠瘠死



鮮 左傳葬鮮者自西門註不以壽終曰鮮 惡死

死別

永訣 正字通將卒與親知辭別曰永訣杜甫詩不忍  
便永訣

遺命

真冷 表異錄真冷遺命也莊子山木篇舜之將死真  
冷禹曰戒之哉註冷曉也謂以真道曉語禹也

送死

易簣 禮記曾子曰元起易簣反席未安而沒

屬纊 禮記男女改服屬纊註纊綿也屬之口鼻觀其  
動否以驗氣之有無也



居喪

宅憂

書王宅憂按謂居喪也

讀禮

禮記居喪未葬讀喪禮既葬讀祭禮

子寧

山堂肆考父母亡子寧三年謂處家持喪三年

也

苦壤

陳書姚察傳察志在終喪頻有陳讓其畧曰臣

將畢志苦壤豈期朝恩曲覃

居喪所

棘人

詩棘人欒欒兮

居喪自稱

覆面巾

面衣

正字通吳王夫差死羞見子胥以巾覆面今人

謂之面衣



棺

枹 禮記君卽位爲枹歲一漆之藏焉表異錄棺之親身者爲枹

櫬 柩 小爾雅空棺謂之櫬有尸謂之柩

壽器 漢書梁商薨帝賜以東園壽器

梓器 後漢楊賜傳賜薨贈東園梓器按梓器卽壽器也又名梓宮

題湊 正字通題湊漢梓宮註蘇林曰以栢木黃心致累棺外木頭皆內向故曰題湊

永息菴 清異錄右補闕正已致仕預製棺題曰永息菴



漆宅 漆宮 清異錄余嘗臨外氏喪見漆工髹裹凶

器曰隨身富貴只贏得一座漆宅又蘇禹珪薨何登  
撰板文曰漆宮永閼沙府告成

樨櫨 漢書成帝紀民爲水所流壓死不能自葬令郡

國給樨櫨埋塋註小棺也

小棺

和 表異錄戰國載引王季葬渦山之尾藥水齧其墓

見棺前和今人呼棺前後爲和本此

棺前後

紙錢

楮鏹 太平興國寶記楮鏹朝飛萬鬼往來於野渡

泉臺上寶 冥游亞寶 清異錄世宗發引之日楮錢

大若盞口雕字文之黃曰泉臺上寶白曰冥游亞寶



魂衣

上天衣 酉陽雜俎亡人坐上作魂衣謂之上天衣又  
縗鬼衣也

冥從

芻靈 禮記塗車芻靈自古有之註束草爲人形以爲  
死者之從中古爲木偶人謂之俑今則以紙爲之  
脫空 清異錄長安喪葬陳拽寓象其表以綾銷金銀  
者曰大脫空楮外設色者曰小脫空

翼

方扇 說文翼卽方扇是也

挽歌



虞殯 左傳公孫夏命其徒歌虞殯註虞殯送葬歌曲

紼謳 莊子紼謳所生必於斥苦按紼謳卽挽歌也

薤露 蒿里 搜神記挽歌有薤露蒿里二歌

哀些 戴叔倫賈誼詩空有哀些弔沅湘按宋玉招魂語末皆曰些故挽歌曰哀些

### 墳墓

宰 公羊傳宰上之木拱矣註宰冢也

塋域 禮記檀弓註墓塋域也

壽藏 漢書註壽藏謂冢墓也稱壽者取其久遠之意

壟 方言秦晉之間冢謂之壟

塋 塋 博雅塋垆冢也方言秦晉謂冢曰垆



佳城 博物志漢滕公薨東都門外地下得石有銘曰  
佳城鬱鬱三千年見白石吁嗟滕公居此室遂葬焉  
永宅 山堂肆考傳脩期欲耐葬於祖墓遂買左右地  
數畝勅子叔偉曰此吾之永宅也

復真堂 山堂肆考唐姚崇孫勗自爲壽藏於萬安山  
麓兆曰寂居穴墳曰復真堂

斥上 謝華啟秀斥上墳墓也見漢書

琴城 字典琴城冢名水經注楚人謂冢爲琴

榛闢 藝文榛闢向蕪密按榛闢謂墓也

土饅頭 韻府羣玉范石湖詩縱有千年鐵門限終須  
一箇土饅頭謂墳也

陵 楊慎外集國語管仲曰定民之居成民之事陵爲之終是民之墓亦稱陵也周顯王三十四年趙起壽陵秦惠文王以後始稱陵而民不得稱

臺 字彙補古謂陵墓爲臺如鄴都之三臺是也

窀穸 左傳惟是春秋窀穸之事註窀厚也穸夜也謂穴中厚暗如長夜也 以下墓穴

宅兆 孝經卜其宅兆而安厝之按窀穸爲宅兆

幽壤 晉書禮志徐廣議四府君當歆率土之祭若埋之於幽壤於情埋木必咸盡

泉壤 晉書謝元傳不令微臣含恨泉壤

夜室 述異記闔廬墓中石銘曰吳王之夜室也又蘇



軾贈章居士詩願求不毛田親築長夜室

歸真室

述異記盧府君墓在館陶縣銘曰歸真之室

方中

表異錄張湯調茂陵尉治方中註天子卽位豫

作陵古者謂掘地爲坑曰方中

滕室

張九齡王府君墓誌銘今如防墓開此滕室

千歲室

朱子詩栢下竟開千歲室

魂樓

清異錄葬處土封謂之魂樓

墓封

羨門

西京雜記羨門蓋冢中之門

以下墓門

蘇門

松門

唐詩空見蘇門青按謂墓門也一曰松

門

神道

後漢中山王傳墓門前開道建石柱爲梁乃謂

之神道 墓道

華表 和表 桓表 禮記註桓墓前柱也說文桓

亭郵表也丹鉛錄華表漢書註作和表 林作桓表

墓表

祭臺

券臺 土筵席 清異錄墓前甃石若甌表之圓方長

高不登三尺號曰券臺貧無力則每祭祀以藉尊俎

謂之土筵席

諡

易名 禮記公叔文子卒其子請所以易其名者按謂

諡也



臨朝 以二、賓禮

排仗 王建詩直到銀臺排仗合聖人三殿對西番

常參 入閣 五代史李琪傳唐故事天子曰御殿見

羣臣曰常參不臨前殿則御便殿見羣臣曰入閣

放衙 正字通官寺日再視事謂之放衙 附官視事

朝正

元會 通典元日慶會謂之元會

傳生 法苑珠林唐長安風俗元日以後遞相邀飲賀

節謂之傳生酒又錢希白南部新書謂之傳座 附民禮

儀衛

鹵簿 事物紀原炙轂子曰車駕有羽儀導護謂之鹵

簿鹵楯也所以扞敵部伍之次皆着之簿故言鹵簿  
立門仗 唐書儀衛志坐日內外諸門以排道入帶刀  
捉仗而立號曰立門仗

習儀

綿蕞 漢書叔孫通爲綿蕞註應劭曰立竹及茅索營  
之習禮儀其中也

旗

毛羽幢 漢書高帝紀左纛註李斐曰纛毛羽幢也  
羽葆 漢書韓延壽傳植羽葆註羽葆聚翟尾爲之亦  
今纛之類也

雞翹 漢書輿服志鸞旂曰雞翹編羽旄列繫幢旁



事物紀原卷之十一

十一

徽幟 漢書王莽傳殊徽幟註徽幟通謂旌旗之屬

雲罕 庶物異名疏雲罕大旗也

牙幢 演繁露黃帝作五采牙幢按牙幢旗也

愁眉錦 清異錄蜀王建軍中隱語旂曰愁眉錦

彩虹 楚辭建彩虹以標搖按謂旗也

洪頤 揚雄甘泉賦舉洪頤註服虔曰洪頤旗名

雲梢 潘岳西征賦曳雲梢註謂旌旗之飛如雲也

旂弓 劉琨詩旂弓駢駢註旂弓旌也

肥胡 庶物異名疏肥胡幡名見國語按幡亦旗屬

麾 庶物異名疏戲大將之旗也顏師古曰漢史通以

戲為麾

郅偁 揚雄甘泉賦夫何旛旒郅偁之旖旒也按郅偁

謂竿也

旗竿

碧紛

唐六典旗之旂曰碧紛

旗旂

翠華

山堂肆考翠華天子旗蓋也

旗蓋

繖

輶輶蓋

中華古今注武王伐紂大風折蓋太公因制

曲蓋焉漢朝乘輿用之謂之輶輶蓋

扇簣

玉海緋羅繡曲蓋並內臣馬上執之謂之扇簣

華芝

華覆 揚雄甘泉賦翳華芝又昭華覆之威威

按華芝華覆皆謂蓋也

掌扇



事物異名錄

卷十

十一

障扇

演繁露今人呼乘輿所用扇爲掌扇殊無義蓋

障扇之訛也

留青日札掌扇漢名障翳

續漢書梁冀作擁身扇按卽障扇也

扇

宋朝會要朱團扇本漢時長柄扇宋孝武時

詔王侯障扇不得用雉尾故王公以下有朱團扇

長柄手搥

骨朶

朱蒜 正字通骨朶宿衛人所執以骨節之或

範銅爲之卽長柄手搥之類徐知訓在廣陵作朱柄

骨朶曰朱蒜

長棍

金吾 演繁露金吾者以金飾其兩末也今管軍官入朝所執之杖皆金釦其末也按漢有執金吾官蓋執此以巡察非常卽今提督九門之屬

皮鞭

鳴鞭 宋會要鳴鞭本周禮條狼氏執鞭趨避之遺法按今俗呼皮鞭者是

馬杌子

駕頭 陸游筆記駕頭舊以一老宦者抱繡裹杌子於馬上今乃代以閣門官按駕頭古惟天子出幸則有之今官長出行有所謂馬杌子者蓋卽駕頭遺意

圭



曜辣 江鄰幾雜志契丹謂圭爲曜辣

笏

手板 說文笏手板也

魚須 表異錄徐師川詩早棄魚須伴我眠魚須笏也  
見禮記

琛板 書敘指南玉笏曰琛板見劉義恭啟  
徵兵書 以下軍禮

羽檄 輟耕錄檄徵兵之書也漢高祖以羽檄徵天下  
兵有急則插以羽

視兵

大閱 周禮大司馬仲冬敎大閱註簡車馬也

師祭

類 禡 爾雅是類是禡師祭也疏用師出征之祭王制云天子將出征類乎上帝禡於所征之地是也祭天而謂之類者尚書夏侯歐陽說以事類祭之也禡祭造兵爲軍法者爲表以祭之周禮作貉

出征

敵愾 左傳敵王所愾按愾怒也征不順者曰敵愾

先鋒

前茅 左傳前茅慮無註謂軍行前有斥候蹋伏皆持以絳及白爲幡見騎賊舉絳幡見步賊舉白幡備慮有無也



前驅 詩爲王前驅又正字通軍前鋒曰前驅次前曰中驅

左右翼

啟肱 左傳狼蘆疏爲右肱註軍左翼曰啟右翼曰肱兩甄 表異錄兩甄軍中兩翼也左傳曰左右拒

軍士

柘羯 唐書西域傳募勇健者爲柘羯猶中國言戰士也

噲伍 宋史俞玠傳一或卽戎卽指之爲麤人斥之爲噲伍按史記韓信曰生乃與噲等爲伍故曰噲伍赤老 雜志都下目軍人爲赤老緣尺籍得名

親隨軍

背寇 雲麓漫抄親隨軍謂之背寇北人呼酒瓶爲寇  
大將酒瓶必令親信人負之故用以名

軍門

壘門 詩東有甫草疏軍門曰和今謂之壘門

星門 山堂肆考軍門曰星門唐詩星門列五戎

屯守

環龜 司馬法兼舍環龜註兼舍者晝夜行也四面屯  
守謂之環龜

羅闌 正字通軍行去壘五十步以羅爲闌周軍之前  
後左右曠弩環之曰羅闌



行夜

干揆 左傳陪臣干揆有淫者註干揆行夜言行夜得淫人

走馬

蹕柳 文昌雜錄軍中以端午走馬謂之蹕柳

攻城土山

距堙 書甲戌我惟築疏兵法攻城築土爲山以窺望城內謂之距堙

偵諜

游偵 細作 杜預左傳註諜者曰游偵謂之細作亦謂之間諜

候訶 唐書李俊傳祿山度河號令嚴密候訶不能知  
也 按漢書註西方人以反間爲訶師古曰訶有所訶候

犯令

奸旗鼓 山堂肆考軍士犯將令者謂之奸旗鼓左傳  
臣奸旗鼓不敏于君之行前不敢逃刑

求和

行成 左傳吳王夫差敗越子夫椒遂入越越子使大  
夫種因吳太宰嚭以行成

獲囚

俘馘 左傳鄭公子歸生受命於楚伐宋宋師敗績囚



華元獲樂呂俘二百五十人馘百人按馘截耳者總名爲俘

捷書

露布 聞見記露布捷書之別名也諸軍破賊則以帛書建諸竿上兵部謂之露布亦謂之露板魏武奏事云有警急輒露板挿羽是也

驛傳

使駭 唐會要驛傳曰使駭

飛鳥使 表異錄吐蕃陷麟州虜將徐舍人會飛鳥使至召其軍還飛鳥使猶傳騎也

舉烽

平安火 山堂肆考報捷之烽火曰平安火

班師

奏凱 周禮大司樂王師大獻則令奏凱樂

振旅 左傳出而治兵入而振旅

飲至 山堂肆考古者治兵振旅而歸則告於宗廟而  
因飲酒以數車徒器械及所獲也故曰飲至

婚姻 以下嘉禮

陰禮 周禮大司徒之職以陰禮教親註陰禮婚姻之  
禮

造舟禮 晉書后妃傳序哲王垂憲尤重造舟之禮

媒氏



冰人 晉書索統傳令狐策夢立冰上與冰下人語統

曰冰上爲陽冰下爲陰爲陽語陰媒介事也君當爲

人作媒按今稱媒爲冰人本此

月老 續幽怪錄韋固遇老人向月檢書固問曰君何

主曰主天下之婚姻耳

伐柯人 夢梁錄伐柯人兩家通報擇日過帖各以色

絲襯盤安定帖然後相親

蹇修 離騷吾令蹇修以爲理註蹇修古之賢媒

擇婿

相攸 詩爲韓姁相攸莫如韓樂按攸所也相其可嫁

之所也今人擇婿謂之相攸本此

求親

卜鳳 左傳懿仲卜妻敬仲曰鳳凰于飛和鳴鏘鏘

求凰 司馬相如琴心挑文君曰鳳兮鳳兮歸故鄉遨遊四海求其凰

索婦 老學菴筆記今人謂娶婦爲索婦古語也孫權欲爲子索關公女袁術欲爲子索呂布女皆見三國志

定親

繫臂 侯鯖錄晉武帝選女子有姿色者以緋綵繫其臂今定親之家亦有云繫臂者

挿釵 東京夢華錄若相媳婦卽男家親人或婆往女



家看中卽以釵子挿冠中謂之挿釵子

吃茶 七修類藁種茶下子不可移植移植則不復生也故女子受聘謂之吃茶

下茶 茶疏古人結婚必以茶爲禮取其不移植子之意也今人猶名其禮曰下茶

加笄

上頭 輟耕錄今世稱女子之笄曰上頭

合婚

合好 禮記昏禮者將合二姓之好

合卺 禮記合卺而醕註以一瓢分爲兩瓢謂之卺

與婦各執一片以醕

合髻 夢梁錄新人男左女右結髮名曰合髻

傳席 輟耕錄今人家娶婦輿轎迎至大門則傳席以入弗令履地然唐人已爾樂天春深娶婦家詩云青  
衣轉氎褥錦繡一條斜

撒帳 事物原始撒帳始於漢武帝李夫人初至帝迎  
入帳中共坐歡飲之後預戒宮人遙撒花果帝與夫  
人以衣裾盛之云得多得子多也

三朝送食

餽女 邵氏聞見錄女嫁三日餉食爲餽女

反母家

歸寧 來歸 詩疏歸寧者有時而反歸不復來謂之



大歸又穀梁傳婦人謂嫁曰歸反曰來歸

改嫁

更行 南史徐孝嗣傳父被害孝嗣在孕母年少欲更行按更行謂改嫁也

懷孕

任身 山堂肆考任身謂懷孕也

生產

免乳 漢書外戚傳婦人免乳大故十死一生註免乳謂產子也

坐蓐 貴耳集鶴山先生母方坐蓐其先公夢有人朝服入卧內按坐蓐謂生產也

免身 山堂肆考免身謂產子也

弄璋 弄瓦 詩乃生男子載弄之璋又乃生女子載

弄之瓦 生男女

三朝

湯餅會 山堂肆考生子三朝會曰湯餅會

滿月

洗兒會 夢梁錄生子滿月外家以金銀雜果食物送

其家大展洗兒會煎香湯於銀盆內下洗兒果用色

綵繞盆謂之圍盆紅

周歲

試兒 顏氏家訓江南風俗兒生一期爲製新衣並加



飲食之物及珍寶物玩置之兒前觀其所取以驗貪  
廉愚智名之爲試兒

醉盤 類書周歲陳設曰醉盤 醉音醉周年子生一歲  
也

事物異名錄卷十一

慈谿 厲靜菴先生荃 原輯

仁和 關子軒先生槐 增纂

音樂部

律呂

分 爾雅律謂之分疏律一名分以其分候十二月氣  
故又名分

同 周禮大師掌六律六同按同卽呂也以其同於律  
故謂之同

五音

五范 國語五范四時各以類相從註五范五音也



重 敏 經 迭 柳 爾雅宮謂之重商謂之敏角

謂之經徵謂之迭羽謂之柳又足大指名敏

少宮 少徵 唐書楊收傳某律少宮某律少徵亦曰

變 以下變宮變徵

閏宮 閏徵 表異錄閏宮閏徵卽變宮變徵五音惟

宮徵有變

鐘

鏞 罇 剽 棧 爾雅大鐘謂之鏞其中謂之剽小

者謂之棧疏大鐘聲大鏞大也又名罇剽者聲輕疾也棧淺也

兌音 白虎通鐘兌音也

大聖銅 清異錄朱全忠時號鐘爲大聖銅避諱故也

長嘯 粲谷 奚囊橘柚鐘一名長嘯一名粲谷

華由 致虛閣雜俎鐘曰華由

蒲牢 張衡西京賦發鯨魚鏗華鐘註鏗擊也蒲牢畏  
鯨魚一擊蒲牢輒大鳴吼凡鐘欲令聲大故作蒲牢  
形於鐘上以所擊者爲鯨魚形

### 鉦

鐃 古今樂錄鐃鉦也形如小鐘軍行爲鼓節

丁寧 左傳著於丁寧疏金鐃爲丁寧

### 鈸

銅盤 杜氏通典銅鈸亦謂之銅盤其圓數寸隱起若



浮漚貫之以韋相擊以和樂

草子 正字通鐃鈸用之以節樂或謂之草子或謂之

鋪鈸

鐃

響八

清異錄蜀王建軍中隱語鐃曰響八

雲鐃

雲璈

事物紺珠雲鐃九枚一架手執擊之即雲璈也

雲板

鐵磬

續事始南齊置鐵磬即今之雲板也

號筒

銅角

舊唐書音樂志西人有吹金者銅角是也長二

尺形如牛角貝蠡按卽今之號筒而稍曲者晉桓元製龍角所謂銅角也

長鳴 正字通長鳴今之號通也口圓而長如竹筒一尺五寸又有小柄空管從筒中抽出吹之其始以葭管後皆以銅作器象其聲

喇叭 正字通喇叭軍中吹器俗呼號筒見戚繼光新書

簸邏迴 事物紺珠大角名簸邏迴

磬

磬 爾雅大磬謂之磬疏以玉石爲之孫炎云磬高也謂其聲高也李巡云大磬聲清燥也故曰磬磬燥也



鳴球

書戛擊鳴球註鳴球玉磬名

浮石

書泗濱浮磬註浮石也張仲素賦練響鳴球選

和浮石

樂石

陳氏樂書磬之爲器昔人謂之樂石

洗東

致虛閣雜俎磬曰洗東

泗濱友

合璧事類李建勲目磬爲泗濱友

方響

通典梁有銅磬則今之方響也以代磬

琴

離

爾雅大琴謂之離疏音多變聲流離也

槁梧

莊子據槁梧而瞑註據琴而睡也

流徽

初學記堂上撫流徽按流徽謂琴也

嶧陽友 事物紺珠李建勲稱琴爲嶧陽友

焦桐 清音居士 文房圖贊續焦桐字良材號清音

居士

珠柱 庾信小園賦琴號珠柱

綠綺 陸游詩綠綺聲中酒半消按司馬相如有綠綺

琴故後人卽以綠綺名琴

桐君 陳無已詩人生亦何須有酒與桐君按桐君謂

琴也

手語 古樂府手語出朱絃心聲寄丹府註彈琴謂之

手語 彈琴

瑟

灑 爾雅大瑟謂之灑疏音多變布如灑出也

文鵠 致虛閣雜俎瑟曰文鵠又瑯嬛記琴曰文鵠  
空桑 楚辭註空桑瑟名

箏

頌瑟 唐書禮樂志頌瑟箏也

小琴 楚辭九歎註箏小琴也

秦聲 風俗通箏秦聲也

長離 類山長離箏名武夷山謝英妃撫長離又長離  
一云鶯栗

東宛 道簫箏一名東宛

繫爪 義甲 表異錄爲爪以彈箏曰繫爪又曰義甲



按繫一作擊

彈爪

### 箜篌

坎侯 舊唐書樂志箜篌漢武帝時使樂人侯暉所作  
以祠太乙其聲坎坎應節謂之坎侯聲訛爲箜篌

空猴 控猴 曾益昌谷集註箜篌首刻如猴狀豈箜  
篌又空猴之誤歟升菴外集沈約宋書以空侯爲控  
猴

琵琶 附胡琴月琴

馬上樂 舊唐書琵琶漢樂也漢武嫁宗女於烏孫乃  
爲馬上樂以慰其鄉國之思

秦漢子 唐書禮樂志琵琶圓體修頸而小號曰秦漢

事物紀原卷十一  
子蓋絃鼗之遺制出於胡中傳爲秦漢所作

鼗婆 席上腐談琵琶又名鼗婆

圓腹 武夷山記呂真人鍾離先生會武夷山呂阿香  
戛圓腹註圓腹琵琶也

遶殿雷 珍珠船馮道之子能彈琵琶世宗深善之因  
號琵琶爲遶殿雷

韓朋木 楊維禎西湖竹枝詞琵琶元是韓朋木彈得  
鴛鴦一處飛

胡撥四 處拍思 席上腐談王昭君琵琶壞使胡人  
重造而其形小昭君笑曰渾不是今訛爲胡撥四一  
作胡撥四亦作虎拍思按一說琵琶一名胡琴今觀

胡琴形似琵琶而小殆卽所謂胡撥四歟

以下胡琴

火不思 琥珀詞 正字通元志天樂一部有火不思

制似琵琶今山陝中州彈琥珀詞蓋火不思之轉語也

囚牛 懷麓堂集囚牛龍種好音樂今胡琴頭上刻獸

是 胡琴頭

阮咸 國史纂異有人破古冢得銅器似琵琶人莫能辨元行冲曰此阮咸所作器也命易以木而絃之謂之阮咸 以下月琴

耍琵琶 合璧事類阮咸又名月琴近世有依琵琶樣製者名曰耍琵琶



管

簫

簞

簞

爾雅大管謂之簫其中謂之簞小者謂之簞疏聲高大故曰簫簫高也

良音

白虎通管良音也

笛

尺八

仙隱傳房介然善吹笛名曰尺八按笛如古之管也

七孔笛

玉篇笛七孔笛也

茵于

志奇綠珠爲梁伯女伯至山中聞吹笛聲忽空中語云汝歸命女呼我名曰茵于我當至矣伯歸如法至期果至空中吹笛音極要眇綠珠聽之得十五

曲因名笛曰茵子又曰遠歸遠歸仙笛名

羌管 李商隱詩羌管促蠻柱註羌管笛也

玉龍 羅隱詩玉龍無主渡頭寒按玉龍笛名

簫

簫 仲 簫 爾雅大簫謂之簫其中謂之仲小者謂

之簫

簫

沂 爾雅大簫謂之沂疏簫聲悲沂悲也郭云以竹爲

之

簫

言 簫 爾雅大簫謂之言小者謂之簫疏大簫聲大

者言言也小者聲揚而小筴小也又言汴都賦作管  
人籟 莊子人籟則比竹是已註簫也

石弦 紫佩 三餘帖簫一名石弦一名紫佩

尺八管 豎簫 珍珠船簫名尺八管其長數也一名  
豎簫又笛亦名尺八

鳴籟 司馬相如子虛賦吹鳴籟註張揖曰籟簫也

紫玉 陳旅詩仙女乘鸞聽紫玉按紫玉謂簫也

筳

籊 吹鞭 宋書筳亦曰籊號曰吹鞭

蘆管 廣韻北方之人捲蘆葉而吹曰筳李益詩不知  
何處吹蘆管一夜征人盡望鄉



觿簞

筳管 陳氏樂書觿簞一名筳管龜茲樂也以竹爲管以蘆爲首類胡筳而九竅

悲栗 合璧事類簞簞者龜茲國所獻其聲悲類筳又名悲栗

風管 說梏觿栗一名風管詩一之日觿發葢寒風悲慘觿聲似之

頭管 正字通悲栗今鼓吹樂坊以爲頭管

笙

巢 和 簞 爾雅大笙謂之巢小者謂之和疏大者名巢巢高也言其聲高小者名和李巡云小者聲少

音相和也又笙必有簧故或謂笙爲簧又和棺前後  
匏竽 釋名笙以匏爲之故曰匏竽

采庸 致虛閣雜俎笙曰采庸

居巢 雲笈七籤小娥運居巢註居巢笙也

參差 樂府雜錄笙者女媧造也王子晉於緱氏山月  
下吹之亦名參差又楚辭吹參差兮誰思註參差洞  
簫也

塤

𨮒 爾雅大塤謂之𨮒疏音大如叫呼聲

坎音 白虎通塤坎音也按塤卽塤也

鼓

鼗 應 爾雅大鼓謂之鼗小者謂之應疏鼓之大者  
名鼗其小者名應言聲應於大鼓也

樂君 荀子鼓其樂之君耶

震音 白虎通鼓震音也

吹雲 潛居錄鼓一名吹雲

送君 酉陽雜俎鼓曰送君

聖牛兒 清異錄蜀王建軍中隱語鼓曰聖牛兒

濮 雞林類事高麗方言謂鼓曰濮

寶槌 謝華啟秀寶槌鼓也

鼗 大唐新語舊制京城內金吾曉暝傳呼以戒行

者馬周封章始置街鼓俗號鼗鼗人公私便焉

街鼓



皐陶

庶物異名疏皐陶鼓匡也

鼓匡

枹

韻會枹擊鼓杖也一作桴今謂之槌

鼓槌

鼗

麻

料

爾雅大鼗謂之麻小者謂之料疏鼗如鼓而

小持其柄搖之兩耳還自擊一名麻其小者名料麻

者音概而長也料者聲清而不亂

梢子

因話錄鼗古樂也今不曰播鼗而曰撚梢子世

俗之陋也

鞀

騎鼓

說文鞀騎鼓也

羯鼓

兩杖鼓 唐書音樂志羯鼓正如漆桶兩手具擊謂之

兩杖鼓

腰鼓

答鼓 樂府雜錄答鼓卽腰鼓也

拍板

樂句 撫言牛僧孺以所業謁韓愈皇甫湜其首篇說

樂愈見題掩卷問曰且以拍板爲甚麼僧孺曰樂句  
二公大稱賞王禹偁拍板論所以唐相牛僧孺爲文  
命之曰樂句

紅牙 研北雜志趙子固執紅牙以節曲註紅牙拍板  
也

捺瑟 合璧事類拍板一名捺瑟

祝敵

控 楬 禮記控楬註疏控祝也楬敵也祝以起樂敵  
以止樂

乾音 白虎通祝敵乾音也

歌

肉聲 正字通唐人謂徒歌曰肉聲

舞

挨藍 真臘風土記八月則挨藍按藍者舞也點差伎  
樂每日就國宮內挨藍

古樂



承雲 六英 九招 晨露 列子周穆王時有化人  
來奏承雲六英九招晨露以樂之註承雲黃帝樂六  
英帝嚳樂九招舜樂晨露湯樂也按黃帝樂曰咸池  
帝嚳曰五英湯曰大濩意此其別名歟書簫韶九成  
故舜樂亦名九招

軍樂

鼓吹 橫吹 遼史樂志鼓吹一名短簫鐃歌樂自漢  
有之謂之鼓吹又橫吹亦軍樂與鼓吹分部而同用  
簫鐃 雲笈七籤帝以伐叛之功始令岐伯作軍樂鼓  
吹謂之簫鐃歌以爲軍之警衛

夷樂

靺 任 侏離 禁 周禮鞮鞮氏掌四夷之樂註東  
方曰靺南方曰任西方曰侏離北方曰禁又任公主  
之稱

事物異名錄卷十二

慈谿 厲靜菴先生荃 原輯

仁和 關晉軒先生槐 增纂

政治部

巡幸

省方 易先王以省方觀民設教

展義 左傳天子非展義不巡守

陟方 山堂肆考陟方王者巡狩之名

宸遊 初學記行幸曰宸遊

移仗 山堂肆考天子出行曰移仗車駕所止曰駐蹕

行在所 獨斷天子以四海爲家故所在曰行在所



扈從

石林燕語從駕謂之扈從始司馬相如上林賦

云扈從橫行晉灼以扈爲大從駕

迎春

放春

發春 表異錄古者迎春東郊齊曰放春見管

子楚曰發春見楚辭漢書太守有迎春班春之文

詔令

附文牒教條

綸綍

禮記王言如綸其出如綍柳宗元代謝出鎮表

捧對綸綍不知所圖

紫泥

漢舊儀天子六璽皆以武都紫泥封按武都泥

赤故曰紫泥然泥安能封或是用爲印色也

蘭檢

文粹唐張鷟奏曰蘭檢浮香潤龍縑而動色按

漢儀天子制詔以蘭英爲檢紫芝爲泥故曰蘭檢

鶴書 古今篆隸文體鶴頭書與偃波書俱詔板所用

在漢則謂之尺一簡髣髴鵠頭故有其稱

鳳書 山堂肆考後趙石季龍詔書用五色紙銜於木鳳之口頒行之故詔書謂之鳳詔

制書 野客叢書武后諱璽以詔書爲制書

宣麻 山堂肆考舊制執政除罷皆宣麻按詔書皆用黃麻故曰宣麻

尺一柬 山堂肆考漢制詔書一尺一寸高蘇東坡云

尺一柬呼我歸

令甲 令乙 新書天子之言曰令令甲令乙是也

鳳綽 陳拾遺集司言鳳綽揮翰龍池

絲言 許敬宗表載荷絲言

綸書 蘇頌詩聞道降綸書

龍綸 李中獻喬侍郎詩人間傳鳳藻天上衍龍綸

天藻 陳子昂表帝歌爰作天藻遐彰 以下聖製

宸藻 沈佺期詩宸藻光盈尺賡歌樂歲豐

睿藻 李嶠詩臣在東周獨留滯忻逢睿藻日邊來

天章 杜甫詩龍鸞炳天章

顯子 三朝國史樞密院給券謂之顯子按顯子如今

文牒 文牒

墨旨 山堂肆考墨旨州縣教條也見南史 教條



賦稅

正供 書惟正之供按謂應徵之賦稅也

排戶 薛能詩管排蠻戶遠註蜀人謂稅爲排戶

租調庸 唐書有租調庸之法按租者粟稻調者絹綿之類庸力役也

頭會 史記陳涉傳頭會箕歛以供軍費註吏到其家以人頭數出穀以箕歛之故云

以下丁稅

身錢 後山談叢吳越錢氏人成丁歲賦錢三百六十謂之身錢

租銖 漢書食貨志除其販賣租銖之律註租銖謂計其所賣物價平其銖銖而收租也

貨稅

捐地錢 唐書食貨志茶商所過諸道置邸以收稅謂

之捐地錢 茶稅

格納 宋史食貨志海南收稅較船之丈尺謂之格納

船稅

算緡 漢書公卿言異時算輶車賈人之緡錢皆有差

請算如故註師古曰緡錢貫也 錢稅

禁錢 後漢書凡山澤陂池之稅名曰禁錢 山澤稅

權酤 宰權 估較 漢書昭帝議罷鹽鐵權酤註應

劭曰武帝以國用不足縣官各自賣鹽鐵酤酒昭帝

罷之又韻箋權酤是征稅之法王莽傳謂之宰權晉

書南蠻傳謂之估較 鹽酒稅

埭程 合壁事類江淮堰埭商賈牽船過處糾錢謂之

埭程 過堰錢

潤官 合壁事類諸路轉運使以民賦又令加耗謂之

潤官 加耗

白着 山堂肆考稅外橫取謂之白着 橫征

漕運

飛芻 漢書王父偃傳令天下飛芻輓粟註師古曰運  
載芻粟令其疾至

免租

賜復 給復 後漢書光武紀光武幸南陽復田租一  
歲父老願賜復十年又北史曰給復



欠租

逋懸

北史辛雄傳逋懸租調宜悉不征

科舉

大比

周禮鄉大夫三年則大比考其德行道藝而興

賢者能者帥其吏以禮禮賓之

以下鄉試

賓貢

賓興

隋書梁彥光傳爲相州刺史當舉行賓

貢之禮於郊外祖道并以財物資之按賓貢卽周禮

賓興是也

秋貢

宋史選舉志秋貢春試皆置別頭場以待舉人

之避親者

秋闈

黃潛試院同諸公爲主試官作秋闈獻藝初

省試 老學菴筆記自建炎軍興蜀士以險遠許就制  
置司類試與省試同問有願赴行在省試者亦聽之  
按省試卽今會試也 以下會試

禮闈 劉禹錫詩禮闈春榜動長安

赴試

踏槐 山堂肆考諺云槐花黃舉子忙故赴舉謂之踏

槐

計偕 漢書徵吏民有明當世之務習先聖之術者縣  
次續食令與計偕按計偕謂與計簿之使者偕來也  
今鄉貢舉人赴禮部者卽漢時計偕也

試卷

帖括 唐書選舉志楊綰疏言明經但記帖括按今謂  
試卷帖括本此

中式

折桂 登蟾宮 避暑錄話世以登科爲折桂此謂郊  
詵對策桂林一枝也自唐以來用之其後以月中有  
桂故又謂之月桂而月中又有蟾故又改桂爲蟾以  
登科爲登蟾宮 以下登科

攀桂 陳元老詩桂子高攀第一枝

入彀 山堂肆考唐太宗見進士曰天下英雄入吾彀

中矣 中進士

占鰲頭 列子龍伯國有大人一釣而連六鰲故今大



魁謂之占鰲頭 以下及第

奪錦標 古今詩話唐盧肇黃頗同赴舉郡守獨餞頗  
明年肇狀元及第郡守會肇觀競渡肇卽席賦詩云  
報道是龍君不信果然奪得錦標回

破天荒 北夢瑣言宋荊州每歲解舉人多不成名號

天荒解劉蛻以荊州解及第號破天荒 白屋

榜

蕊榜 藝林伐山大羅天放榜於蕊珠宮故稱蕊榜

虎榜 薩都刺及第謝恩詩虎榜姓名書勅紙羽林冠

帶豎旌旄

龍飛榜 朝野類要每遇主上卽位第一次選士謂之

事物異名錄 卷十二 龍飛榜

名錄

小錄 石林燕語試院官舊不爲小錄崇寧初霍端友榜安樞密惇知舉始創爲之自後遂爲故事小錄具生月日時者敘齒也

千佛名經 撫言張倬落第捧登科記曰此千佛名經也

報喜

榜帖 太平清話宋龔識登第時金花榜帖用塗金紙按榜帖今謂之報喜單

泥金信 開元遺事新進士及第者以泥金帖子附家

書中謂之泥金信

殿試

黃甲 山堂肆考黃甲由省中降下唱名畢以此升甲  
之人附於卷末用黃紙書故曰黃甲

臚傳

遶殿雷 山堂肆考進士唱第日宰相折視姓名則曰  
某人由是傳於階下皆齊聲呼之謂之臚傳亦謂之  
遶殿雷又夢梁錄朝正聲呼亦名遶殿雷又琵琶名

喜宴

鹿鳴宴 韓愈詩相公朝服立工席歌鹿鳴按唐鄉貢  
懷牒自列於州縣試已長吏以鄉飲酒禮會僚屬歌



鹿鳴之詩故謂鹿鳴宴

舉人宴

瓊林宴 宋史選舉志太平興國八年進士始分三甲

錫宴瓊林苑

以下進士宴

探花宴 秦中歲時記進士杏園初會謂之探花宴以

年少俊二人爲探花使

燒尾 邵氏聞見錄士人初登第必展歡宴謂之燒尾

一說魚躍龍門化爲龍必雷燒其尾乃化故云又石

林燕語謂在官遷除者亦然

私宴

門生

玉筍班 唐書李宗閔傳閔典貢舉所取多知名士世

謂之玉筍班

美莊 唐餘錄崔羣知舉歸其妻勸令求田羣曰予有  
美莊三十所榜所放三十人是也妻曰君非陸贄門  
生乎君掌文柄約其子不令就試如以君爲良田則  
陸氏一莊荒矣

傳衣鉢 山堂肆考五代和凝登第名在十三及知貢  
舉覽范質卷亦以第十三人登第謂曰君文宜冠多  
士屈居十三欲君傳老夫衣鉢耳

桃李 古詩一旦聲名遍天下滿城桃李屬春官按桃  
李謂門生也

### 落第

孫山外 遜齋閑覽孫山末名得解有同試者以書問

山得失答曰解名盡處是孫山吾兄更在孫山外

打盹躁 國史補凡進士捷而入選謂之春闈不捷而

醉飽謂之打盹躁

白臘明經 朝野僉載張鷟號青錢學士謂萬選萬中

有董方九舉不第號曰白臘明經

綱官 續歸田錄蜀人石揚休屢拔鄉舉常屈春官蜀

人比之綱官蓋謂牙校部上貢入京師只空歸也

落卷

紅勒帛 夢溪筆談歐陽公主文有一舉人論曰天地

軋萬物茁聖人發公曰此劉幾也戲續曰秀才刺試

官制乃以大硃筆橫抹之自首至尾謂之紅勒帛



榜姓希僻

榜花 南部新書唐禮部放榜歲取二三人姓氏希僻者謂之色目人又號曰榜花

榜後死

報羅使 撫言進士放榜後必有一人下世者名報羅使言報大羅天也

考課

計吏 周禮太宰以六計弊羣吏

殿最 漢書丞相御史課殿最以聞註師古曰殿後也課居後也最首也課居先也

奉使

輜軒 羣書考索輜軒天子使臣也

星使 後漢書和帝遣使二人到益州投館吏李邵舍  
邵問朝廷二使何時發使驚問何以知之曰有二使  
星來向益州分野

玉節郎 蘇軾詩洗眼忽驚笑見此玉節郎

### 封賞

錫瑞 王拱宸表宗藩錫瑞按謂封也

匪頒 周禮家削之賦以待匪頒註匪分也頒班賜也

### 刑書

三尺 漢書爲天下決平不循三尺法註三尺者以三  
尺竹簡寫法律也

法經 晉書刑法志魏文侯師李悝撰次諸國法著法

經六篇按法經卽律書也

挈令 說文樂浪挈令註挈令蓋律令之書也

交訟

兩造 書兩造具備

雀角 鼠牙 詩誰謂雀無角何以穿我屋誰謂女無

家何以速我獄又誰謂鼠無牙何以穿我墉誰謂女  
無家何以速我訟按今謂構訟爲雀角鼠牙義本於  
此

陰訟 周禮凡男女之陰訟聽之於勝國之社註陰訟

爭中冓之事以觸法者

私訟



干証

左驗 表異錄楊惲下廷尉廷尉考問左驗明白証左也言當時在其左右見此事者也

刑具

三木 史記魏其侯衣赭衣關三木註關三木頭及手足也皆刑具也

梏 桎 拳 說文梏手械也桎足械也又周禮鄭註兩手共一木曰拳

何校 易何校滅耳註校枷也械其首也 以下首械

弓梏 左傳宋子蕩以弓梏華弱於朝註張弓以貫其頸若梏之在手故曰梏按此則今之枷亦可名爲弓

梏

彌尾青 北史宋翻傳翻爲河陰令縣舊有大枷時人

號曰彌尾青吏請焚之翻曰置南墻下以待豪右

屨校

易屨校減趾註械足也 以下足械

桁楊

合璧事類接摺桁楊註足械也

檣楚

書扑作教刑註扑檣楚也 以下笞杖

掉柴

宋史刑法志或斷薪爲杖掊擊手足名曰掉柴

孟青

大唐新語侯思止以告變授侍御史按中丞魏

元忠曰急承白司馬不然卽喫孟青洛陽北有坂名

白司馬將軍有姓孟名青棒者思止問巷傭保嘗以

此謂諸囚也

肉雷 清異錄來紹天稟驚忍當宰郃陽每肆枯木之  
威轟響振動時號肉雷 以下笞杖聲

肉鼓吹 山堂肆考唐李匡遠斷刑嘗聞捶楚之聲曰  
此一部肉鼓吹也

琅當 漢書王莽傳以鐵琅當當其項註琅當長鎖也  
以下  
鎖條

鐵繩 金史禹顯傳正大六年軍內變城破被擒帥義  
之不欲加害初以鐵繩鈴之既而密與舊部曲二十  
人遁去

大關 酉陽雜俎趙安行野外見衣一襖持至家鄰人  
卽告官盜物捕送縣怒其不承以大關夾脛折三段



按大關卽今所謂夾棒也

夾棒

反接 漢書陳平傳樊陰受詔卽反接按反接謂反縛

兩手也

縛手

### 牢獄

園土 周禮凡害人者寘之園土按園土獄也

園墻 漢書司馬遷傳幽於園墻之中註師古曰園墻

獄也

請室 漢書袁盎傳徵繫請室註請室獄也

嚴棘 後漢寇榮傳置之嚴棘之下註嚴棘謂獄也亦

謂之叢棘

狴犴 揚子狴犴使人多禮乎註狴犴牢獄也按懷麓

堂集狴犴好訟今獄門上獅子頭是又雜記憲章似獸好囚故立於獄門上

周桎 家語周桎王肅曰牢獄也

深室 表異錄左傳置諸深室謂獄也

圜圉 風俗通夏曰夏臺殷曰羑里周曰圜圉皆獄也

又博物志夏曰念室殷曰動止周曰稽留

司空 禮記疏圜圉魏曰司空又工部名司空

狴圉 李嶠文狴圉空而京坻實按狴圉卽圉圉也

犴戶 圉關 庾信文犴戶苔生圉關籥動

園狴 沈佺期詩幽籥動園狴

園扉 白六帖園扉獄門也

獄門

獄詞

爰書 史記張湯傳傳爰書訊鞠論報註爰換也古者重刑嫌有愛惡故移換獄書使他官考實之故曰傳爰書也

負寃

戴盆 覆盆 司馬遷報任安書戴盆何以望天又李白詩願借羲皇景爲人照覆盆

釋罪

平反 漢書雋不疑錄囚多所平反按謂反罪人辭使從輕也

贖罪



事物紀原卷之三  
三  
金選

漢書有金選之品按卽呂刑所列贖罪也

顧山

漢書如淳註女子犯罪如徒當于山伐木聽使

入錢顧工故謂之顧山

徒罪

胥靡

漢書師古註聯繫相隨而服役之故謂之胥靡

猶今之役囚徒以鎖連綴耳

貶謫

遷客

山堂肆考凡人臣有罪而見貶謫謂之逐臣又

謂之遷客

量移

白居易詩量移遠近未成官按唐人得罪遠貶

遇赦移近地謂之量移

死罪

大辟 禮記其死罪則曰某之罪在大辟

殊死 漢書高帝紀其赦天下殊死以下註師古曰殊

絕也異也言其身首離絕而異處也

棄市 漢書刑法志諸死刑皆磔於市景帝二年改磔

曰棄市

囚死

瘦死 漢書如淳註囚以饑寒而死曰瘦

絞死 附自縊

磬 周禮公族有大辟則磬于甸人註縊殺之曰磬

繆死 漢書趙皇后傳卽自繆死註師古曰繆絞也

雉經

釋名屈頸閉氣曰雉經如雉之爲也

以下自縊

投繯

睽車志有士人妻悍妒買妾每加凌虐妾不能

堪屢欲投繯按投繯謂自縊也



事物異名錄卷十三

慈谿 厲靜菴先生荃 原輯

仁和 關晉軒先生槐 增纂

人事部

喜

鳧藻 後漢杜詩傳士卒鳧藻註言歡悅如鳧戲藻

審令 宋史夏國傳諒祚景宗長子也小字審令國語

謂歡喜爲審令

雀躍 劉夢得詩欲知雀躍心能喜正愛蟬連語未休

怒

髮指 史記項羽紀樊噲入瞋目視項王頭髮上指

牙欬 揚子法言始皇方獵六國而王翦牙欬註謂切齒而怒也

魏盈 方言魏盈怒也燕之外郊朝鮮冽水之間凡言呵叱者謂之魏盈

馮齟 類齟 廣雅馮齟怒也又玉篇類齟切齒怒也惡發 老學菴筆記惡發猶云怒也

笑

粲然 穀梁傳人皆粲然而笑註粲然盛笑貌

解頤 漢書匡衡傳匡說詩解人頤山堂肆考解頤笑不能止也

軒渠 後漢荀子訓傳兒識父母軒渠笑悅

揶揄 後漢王霸傳霸至市中募人將以擊王郎市人  
皆大笑舉手邪揄之註邪揄手相笑也又邪亦作挪  
絕倒 晉書衛玠傳王澄有高名每聞玠言輒嘆息絕  
倒按絕倒謂極笑也

解顏 列子夫子始得解顏而笑

盧胡 闕子宋人得燕石以爲大寶周客聞而觀之掩  
口盧胡而笑又盧胡亦作胡盧

唄噓 通俗文樂不勝謂之唄噓山堂肆考唄噓笑聲  
呵呵 歌歌 博雅噤噤呵呵笑也又廣雅唏唏歌歌  
笑也

哄堂 因話錄御史有臺院殿院察院一人知雜事名



雜端公堂會食皆絕笑左右不可忍雜端笑而三堂  
皆笑遂謂典堂

歠飯 冷齋夜話一座大笑歠飯滿案

歡哈 韓愈詩笑言溢口何歡哈

罵

詬詈 魏書趙修傳從者噂噤喧譁詬詈無節按詬詈  
謂相罵也

凌誚 列子讎極凌誚註謂好凌辱責罵人也

保倂 方言保倂罵也燕之北郊曰保倂

哭

號咷 易同人先號咷而後笑

墮淚 晉書羊祜傳襄陽百姓於峴山祜平生游憩之所建碑立廟歲時饗祭焉望其碑者莫不流涕杜預因名爲墮淚碑

屑涕 北史房彥謙傳薛道衡收番州路經彥謙所留連數日屑涕而別

悲痛

辛酸 嵇康詩自致力所難臨文情辛酸

辛楚 陸機與弟士衡書慷慨含辛楚按辛楚痛也別作憊

愁苦

殿屎 詩民之方殿屎表異錄民呻吟愁也

心曹

侯鯖錄愁憂也集韻音曹今人言心中不快爲

心曹當用此愁字

忼性

王仲宣詩夙夜自忼性註嘆息也

慚愧

負負

後漢張步傳負負無可言者註負愧也再言之

者愧之甚

憫慙

集韻楚人謂慚曰憫慙

弱顏

表異錄高元海譖祖珽見帝自辨曰必元海譖

臣帝弱顏不能諱註見人自羞者謂之弱顏

卑陬

正字通卑陬愧慙貌莊子天地篇子貢卑陬失

色



愚昧

檇昧 郭璞爾雅序不揣檇昧按檇昧無知貌

備贅 荀子愚陋備贅註備贅無知也或作散霽或作

恂愁

驚駭

握兩手汗 投甕隨筆今世旁觀人涉險而濟者輒云

爲爾捏兩把汗按元史憲宗召趙璧問曰天下何如  
而治璧曰請先誅近侍之尤不善者璧退世祖曰秀  
才汝渾身都是膽耶吾亦爲汝握兩手汗也

勇猛

操刺 表異錄耶律德光指劉知遠曰此都軍甚操刺

操刺俗語猛勇也

強暴

跋扈 後漢質帝紀嘗朝羣臣目冀曰此跋扈將軍也

按跋扈猶強梁也

輶張 表異錄董皇后傳汝今輶張怙汝兄耶註猶強

梁也

柔懦

戴帽餽 表異錄梁彥先爲相州刺史百姓呼爲戴帽

餽言柔軟也

勤勞

根涯 王阮詩坎豆皆勤作根涯悉勉旃自註楚語以

種物爲坎豆勤苦爲根涯

侔莫 方言侔莫強也凡勞而相勉謂之侔莫

懶惰

些窳 史記貨殖傳些窳偷生無積聚而多貧註些窳苟且墮懶之謂也

蕭杌 表異錄懶放不勤事曰蕭杌見文選

急遽

譊詞 後漢和卬紀輕薄譊詞註急遽也

濶沐 方言江湘之間凡窘猝怖遽謂之濶沐

窰咤 丹鉛錄俗語急疾頃刻曰窰咤一作咄嗟晉書

咄嗟而辦集韻作咋喏古樂府作咄喏今俗作趲趲



迅速

飛風 推篷寤語吳人謂疾速爲飛風未詳所始唐制  
凡細馬次馬送尙乘局者於尾側依左右閑印以三  
花其餘雜馬以風字印印右髀以飛字印印左髀然  
則飛風二字蓋取義於馬耳

吝嗇

老慳 山堂肆考宋劉秀儉吝號曰老慳

妒忌

李益疾 唐書李益傳益少癡而忌克防閑妻妾苛嚴  
世謂妒爲李益疾

奸佞

閃榆 表異錄古雋曰閃榆鍾佞之貌

驕矜

呂鉅 莊子一命而呂鉅註驕矜貌

風致

波峭 齊東野語京師指人之有風致者曰波峭

媚好

詡畜 漢書張敞傳註北方謂媚好爲詡畜

謹慎

將牢 丹鉛錄將牢猶俗言把穩

迂拙

方頭 輟耕錄俗謂不通時宜者爲方頭陸魯望詩云

頭方不會王門事塵土空縑白紵衣

疎誕

儻蕩 表異錄陳湯儻蕩不自收歛按儻蕩亦作儻蕩  
謂疎誕無檢也

欺謾

眠姪 便劣 方言楚郢謂欺謾爲眠姪一曰便劣

虛僞

何樓 劉貢父詩話世語虛僞爲何樓蓋國初京師有  
何家樓其下賣物皆行濫物非沽濫稱也

糊塗

冬烘 避暑錄話唐人言冬烘是不了了之語故有主



司頭腦太冬烘之言

噎塞

陰喝 後漢書竇憲奪公主園田帝出過園以問憲憲  
陰喝不得對註猶噎塞也

奔競

望火馬 目遊神 編珠集嘉祐中未有謁禁士人爭  
馳騫請託有一人號望火馬有一人號日遊神言日  
夜奔競也

逐羶 王禹偁詩逐羶甚蚍蜉鬪雞同熠燿

貪婪

賕賕 表異錄賕賕貪財之貌

大量

海涵 蘇軾湖州謝上表海涵萬族

淺見

管窺 蠡測 漢書東方朔傳語曰以管窺天以蠡測海以筵撞鐘豈能通其條貫考其文理發其音聲哉  
隙觀 蘇軾超然臺記如隙中之觀鬪又烏知勝負之所在

失志

軾軻 正字通人失志曰軾軻楚辭作坳軻別作坎坳  
事無定見

首鼠 史記灌夫傳田蚡曰與長孺共一老秃翁何爲

首鼠兩端註首鼠一前一却也

兩墮 後漢單超傳唐衡封侯轉橫天下爲之語曰唐兩墮註兩墮謂隨意所爲不定也今人謂持兩端而任意爲兩墮

事無瑕疵

沒包彈 野客叢書包拯爲臺官嚴毅不恕朝列有過必須彈擊故言事無瑕疵者曰沒包彈

事不合格

杜撰 野客叢書杜默爲詩多不合律故言事不合格者爲杜撰

事相邂逅



豆湊 餘冬序錄事相邂逅俗謂之豆湊

睡

黑甜 冷齋詩話南人謂睡美爲黑甜東坡詩一枕黑

甜餘

黃嬾 歲時風土記唐人呼晝睡爲黃嬾

攤飯 陸游詩攤飯橫眠夢蝶牀註太白以午睡爲攤

飯

華胥調 混沌譜 仙佛竒踪陳搏居華山有一客過

訪適值其睡旁有一異人聽其息聲以黑筆記之客

怪而問之其人曰此先生華胥調混沌譜也又清異

錄寇先生睡中有樂乃華胥調雙門曲也

睡聲

𦣻𦣻 列子睡中𦣻𦣻呻呼按𦣻𦣻睡語也丹鉛錄作

𦣻𦣻 睡語

揖

肅拜 周禮太祝辨九拜九曰肅拜註但俯下手今時揖是也

叉手 增韻俗呼拱手曰叉手柳宗元詩入郡腰常折逢人手盡叉

跪

𦣻𦣻 方言跪謂之𦣻𦣻註今東郡人亦呼長跽爲𦣻𦣻𦣻又立也玉篇拜也

捏骨地 正字通契丹言捏骨地者卽跪也

叩頭

自搏 表異錄趙熹爲從兄報仇值其病釋之仇皆卧  
自搏註叩頭也

言

心聲 揚子法言言心聲也

善談

炙輠 史記荀卿傳註輠者車之盛膏器也炙之雖盡  
猶有餘流言淳于髡智不盡如炙輠也

懸河 晉書郭象傳王衍每云聽象語如懸河瀉水而  
不竭

久談



蟬連 葉夢得詩正愛蟬連語未休

詳言

羅縷 康樂詩羅縷豈闕辭窈窕九天人又羅一作羅

戲言

俳詼 歐陽修詩如棄正論求俳詼

褻語

撒園葵 湘山集園葵卽胡葵世傳布種時口褻語則  
其生滋盛故士大夫以穢談爲撒園葵

拙語

椎儲 前漢周勃傳其椎少文註應劭曰今俗名拙語  
爲椎儲

改言

雌黃 世說王衍與人言事輒更改人謂口有雌黃蓋  
古人以黃紙書字有誤則以雌黃抹之故云

矛盾 字典言不相副曰矛盾說見韓非子

背誓

寒盟 左傳吳子使太宰嚭請尋盟公使子貢對曰若  
可尋也亦可寒也

附會

最殘 字典穿鑿附會謂之最殘王充論衡最殘滿車  
不成爲道

口吃

期期 艾艾 漢書周昌傳昌口吃嘗廷爭曰臣期期

不奉詔又世說鄧艾口吃語稱艾艾

詢諗 正字通俗謂語不了曰詢諗

### 嘗食

染指 左傳鄭靈公食大夫黿名子公而弗與也子公怒染指於鼎嘗之而出

### 健食

肉磨 表異錄健啖者謂之肉磨

老饕 蘇軾老饕賦蓋聚物之天美以供吾之老饕

### 開葷

解菜 野客叢書今人久茹素而其親若鄰設酒肴之



具以相煖熱名曰開董於理合曰開素此風已見六  
朝觀東昏侯喪潘妃之女閹豎共營穀羞云爲天解  
菜正其義也

著破衣

穿空 書敘指南着破衣曰穿空

體寒

噤痒 韓偓詩噤痒餘寒酒半醒

凍裂

皸瘃 漢書趙充國傳手足皸瘃註文穎曰瘃凍創也

正字通今俗呼足跟凍瘡曰皸瘃

效人

效顰 莊子西子病心而顰其里之醜人見而美之歸  
亦捧心而效其顰富人見之閉門而不出貧人見之  
挈妻子而去之按顰與顰同

非人

反唇 漢書微反唇註師古曰蓋非之

譽人

說項斯 山堂肆考項斯江東人楊祭酒簡愛斯才贈  
以詩曰平生不解藏人善到處相逢說項斯

慕人

山斗 唐書韓愈贊學者仰之如泰山北斗  
葵傾 曹植求通親親表若葵藿之傾太陽

識韓 李白與韓朝宗書生不願封萬戶侯但願一識

韓荊州

撫育人

卵翼 左傳子西曰白公勝如卵予翼而長之註今撫育人卵翼言如鳥孚卵也

愆慝人

食閭 方言凡已不欲喜怒而旁人說之怒之謂之食閭或謂之愆慝

客至

左顧 漢書淮南憲王傳子高幸左顧存恤註左顧猶言枉顧



孫鳥囉

雞林類事方言客至曰孫鳥囉

來况 相如子虛賦足下不遠千里來况齊國按來况  
猶言臨訪也

留客

投轄 漢書陳遵傳遵每大飲賓客輒閉門取客車轄  
投井中

送別

歌驪

大戴禮驪駒逸詩客欲去歌之

折柳 三輔黃圖霸橋在長安東跨水作橋漢人送客  
至此橋折柳贈別

分袂

拾遺記蕭鳳使玉門關頻勸酒謂兄曰醉中庶

分袂不悲

治裝

行李 泊宅編李理義通人將有行必先治裝如孟子之言治任理亦治也又懶真子據左傳註以爲使人也

辦嚴 野客叢書明帝諱莊以辦裝爲辦嚴

啟行

發軔 正字通啟行曰發軔楚辭朝發軔兮天津

行旅

樓屑 後魏裴安傳京師遼遠實憚樓屑按樓屑往來貌

萍浮 山堂肆考鄭康成萍浮南北

蓬轉 梗泛 曹丕詩轉蓬離本根飄飄隨風翔又唐

詩恓惶勞梗泛

遊覽

相羊 離騷聊逍遙以相羊按相羊猶彷徨也或作相  
徉或作倡佯

濟勝 世說許椽好遊山水而體便登陟時人云許有  
濟勝之具

散步

消搖 瑯嬛記古之老人飯後必散步搖動其身故後  
人以散步爲消搖



寄書

緘愁

山堂肆考凡人寄書而言相思之苦謂之緘愁

遠回

拜家慶

敖器之詩話唐人與親別而復歸謂之拜家

慶孟浩然詩云明朝拜家慶須着老萊衣

餽物

獻芹

嵇康與山巨源書野人有快炙背而美芹子者

欲獻之至尊雖有區區之意亦已疎矣

辭餽

反璧

左傳重耳及曹僖負羈饋盤飧寘璧焉公子受

殽反璧

遣謝

送敬 後漢周燮傳安帝以元纁羔幣聘燮燮因自載  
到潁川陽城遣生送敬遂辭疾而歸註送敬猶致謝  
也

乖違

舛午 漢書劉向傳朝廷舛午膠戾乖刺註言志意不  
和各相違背也

勃谿 莊子室無空虛則婦姑勃谿註勃怒也谿反戾  
也

爭鬪

蠻觸 莊子有國於蝸之左角者曰蠻氏國於蝸之右

角者曰觸氏爭地而戰伏尸數萬

詰責

鐫譙 表異錄柳文鐫譙四至音煎嚼詰責也

請罪

銜塊 唐書元宗紀貴妃銜塊請死按銜塊猶今言負

荆謂請罪也

訓學

舌耕 漢書賈逵傳門生來學獻粟盈倉或云逵非力耕乃舌耕也

筆削

圖乙 表異錄歐陽文忠詩補亡後序云增損圖乙圖



者塗抹也乙者勾止也乙字義見東方朔傳

潤筆

心織 筆耕 雲仙雜記王勃所至請託爲文金帛盈積人謂心織筆耕又傭書亦謂之筆耕

求知

鑽具 野客叢書漢書載賓戲曰商鞅挾三術而鑽孝公鑽者取必入之義今人懷所製求上官知者目曰鑽具正此意也

銜才

技癢 風俗通高漸離變姓易名爲庸保久之聞其家堂上有客擊筑技癢不能無出言

虛名

白望 山堂肆考白望猶虛名也

自謙

下走 漢書蕭望之傳下走將歸延陵之臯註下走者  
自謙言趨走之役也

入學

采芹 詩思樂泮水薄采其芹按王制諸侯學曰泮宮  
故入學爲采芹也

薦舉

推轂 史記鄭當時推轂士及官屬丞史有味乎其言  
之

先容 漢書鄒陽傳蟠木根柢輪囷離奇爲萬乘器者  
以左右先爲之容也

先游 表異錄先游介紹也猶言先容

入仕

釋褐 解褐 晉書刁協傳協釋褐濮陽王文學累轉  
太常博士又南史梁高祖紀詔年未三十不通一經  
不得解褐

牽絲 西溪叢語謝靈運詩牽絲及元興解龜在景平  
李善云牽絲初仕解龜去官也

解薛 山堂肆考入仕曰解薛唐詩解薛登天朝

除授



鶯遷 山堂肆考詩出自幽谷遷於喬木後世賀遷除者皆曰鶯遷

披雲宴 元史朝官獲美除者寮友設酒於披雲樓以爲賀因名披雲宴六部得堂署則爭相餽遺謂之烘堂賀宴

涖任

下車 李白上韓荊州書王子師爲豫州未下車卽辟荀慈明旣下車又辟孔文舉

施惠

有脚陽春 唐書廣人爲宋璟立遺愛頌人謂璟爲有脚陽春

尸位

荒飽 枝官 表異錄書云尸位詩曰素餐商君謂之

荒飽吳起謂之枝官

貪贓

簠簋不節 漢書賈誼傳古大臣有坐不廉而廢者不謂不廉曰簠簋不節

降秩

左遷 漢書師古註漢時依古法朝廷之列以右爲尊故謂降秩爲左遷諸侯官爲左官

鐫級 正字通中外官降級曰鐫級

滿任

及瓜 左傳齊侯使連稱管至艾戕葵邱瓜期而往曰  
及瓜而代

告假

休沐 下沐 旬休 漢官儀五日一假洗沐亦曰休  
沐又字典一曰下沐一曰旬休

致仕

懸車 山堂肆考漢薛廣德乞骸骨上賜安車駟馬東  
歸廣德乃懸所賜車傳之子孫

投簪 山堂肆考梁陶宏景投簪高邁亦曰抽簪按簪  
笄也所以持冠者

遺榮 山堂肆考致仕而歸隱謂之遺榮



解龜 西溪叢語解龜去官也詳見前入仕

解組 全唐詩話賀知章上表乞還鄉里御製送詩并序云太子賓客賀知章鑒止足之分抗歸老之疏解組辭榮志期入道

謝政 正字通致仕曰謝政曲禮大夫七十而致仕若不得謝必賜之几杖註君不許其致仕也

釋綬 曹植表解璽釋綬又曰投綬亦曰解綬  
遂初 李白送賀監歸鏡湖詩得辭榮祿遂初衣

養親

反哺 白居易詩何時能反哺供養白頭烏

娛親

戲綵 高士傳老萊子七十衣五綵衣爲嬰兒戲匍匐於父母前

友愛

共被 後漢書姜肱兄弟共被而寢友愛天至

讓棗 推梨 梁武帝與弟武陵王書讓棗推梨長罷歡愉之日

兄弟不協

閨牆 詩兄弟閨於牆

參商 李白詩交柯之木本同形東枝憔悴西枝榮無心之物尙如此參商胡乃尋天兵按參商本左傳高辛二子事謂兄弟不相能也

懼內

落杖 東坡集陳季常妻柳氏頗悍季常畏之至或詬罵聲達於外東坡以詩戲之有云忽聞河東獅子吼  
柱杖落手心茫然

夫妻不和

反目 易夫妻反目不能正室也

竊人妻女

捲伴 桂海虞衡志南州法度疎畧婚姻不正村落強暴竊人妻女以逃轉移他所安居自若謂之捲伴言  
捲以爲伴侶也

喪妻



鼓盆 莊子莊子妻死惠子弔之莊子則方箕踞鼓盆而歌

斷絃 山堂肆考世俗夫喪妻者曰斷絃言如琴瑟之斷其絃也復娶者謂之續絃

悼亡 潘岳悼亡詩如彼翰林鳥同棲一朝隻如彼遊川魚比目中路折

抱小兒

負劒 禮記負劒辟咎註負謂置於背劒謂挾於旁疏兒在背上曰負兒在懷中亦稱負謂兒負之

擁樹面 漢書蘇林註南方人謂抱小兒爲擁樹面者以面首向臨之也

愛兒

舐犢 後漢楊彪傳曹操見彪問曰公何瘦之甚對曰  
愧無日磾先見之明猶懷老牛舐犢之愛操爲之改  
容

喪子

喪明 禮記子夏喪其子而喪其明

病痊

平復 漢書王褒傳太子體不安詔使褒等之太子宮  
虞侍太子疾平復乃歸

安穀 表異錄病而能食曰安穀出淳于意傳

壽終

考終命 書洪範五福曰考終命

苦蓋

屋龍更衣 十二賢廬山記饒子卿隱廬山無瓦屋代以茅茨每年易一茅謂之屋龍更衣

糊窻

泥窻 老學菴筆記蜀人謂糊窻爲泥窻花蕊夫人宮詞紅錦泥窻遶四廊

叩門

剝啄 韓愈詩剝啄剝啄有客叩門

賀入宅

煖屋 輟耕錄今之入宅與遷居者鄰里醵金治具過



主人飲謂之煖屋或曰煖房

不潔

麤糟 輟耕錄俗語以不潔爲麤糟按霍去病傳以世俗謂盡死殺人爲麤糟然義雖不同却有所出

種物

坎豆 王阮詩註楚語以種物爲坎豆詳見前勤勞

折花

拘花 輟耕錄南方或謂折花爲拘花唐元微之詩試問酒旗歌板地今朝誰是拘花人

接樹

騙樹 正字通接樹曰騙樹月令廣義有騙樹法



借錢

便錢 表異錄俗謂借錢爲便錢

齊力

邪許 淮南子舉大木者前邪許後亦應之此舉重勸力之歌也







